

DALACIN[®] C CAPSULE

Clindamycin hydrochloride (150 mg)

Apakah yang ada pada risalah ini

1. Apakah kegunaan Dalacin C
2. Bagaimana Dalacin C berfungsi
3. Sebelum menggunakan Dalacin C
4. Cara menggunakan Dalacin C
5. Semasa menggunakan Dalacin C
6. Kesan-kesan sampingan
7. Cara penyimpanan dan pelupusan Dalacin C
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor Siri

Apakah kegunaan Dalacin C

Dalacin C mengandungi clindamycin hydrochloride yang merupakan sejenis antibiotik yang digunakan untuk merawat jangkitan.

Dalacin C juga digunakan dalam kombinasi dengan antibiotik lain untuk mencegah jenis jangkitan abdomen tertentu.

Bagaimana Dalacin C berfungsi

Dalacin C berfungsi dengan membunuh atau membantut pertumbuhan bakteria yang menyebabkan jangkitan anda.

Sebelum menggunakan Dalacin C

- Bila tidak boleh menggunakan

Jangan ambil Dalacin C jika anda alah (*hypersensitive*) kepada clindamycin, lincomycin atau mana-mana ramuan lain dalam ubat ini.

Hamil dan menyusukan anak

Sekiranya anda hamil atau berpendapat anda mungkin hamil, anda seharusnya menghubungi doktor anda sebelum mengambil Dalacin C. Oleh sebab clindamycin meresap melalui plasenta, kapsul Dalacin C boleh digunakan semasa kehamilan hanya jika betul-betul diperlukan.

Beritahu doktor anda jika anda akan menyusukan anak semasa menggunakan Dalacin C. Penyusuan anak tidak digalakkan semasa mengambil Dalacin C kerana bahan aktif dalam ubat ini boleh

meresap ke dalam susu ibu dan bayi yang sedang menyusu mungkin akan mengalami kesan buruk seperti cirit-birit atau darah dalam najis, atau ruam. Doktor anda akan menentukan sama ada anda boleh mengambil ubat ini ketika menyusukan anak, setelah mempertimbangkan manfaat dan risikonya terhadap anda dan bayi anda.

Tanya doktor atau ahli farmasi anda untuk mendapatkan nasihat sebelum mengambil sebarang ubat.

- Sebelum mula menggunakan Dalacin C

Beritahu doktor anda jika anda mengalami sebarang keadaan berikut untuk membantu beliau memutuskan sama ada Dalacin C sesuai untuk anda:

- anda mengalami cirit-birit atau lazimnya mengalami cirit-birit apabila anda mengambil antibiotik atau pernah mengalami masalah dengan perut atau usus anda. Jika anda mengalami cirit-birit berdarah atau yang berpanjangan atau yang teruk semasa atau selepas menggunakan Dalacin C, beritahu doktor anda dengan segera kerana rawatan mungkin perlu dihentikan buat seketika. Ini mungkin tanda keradangan usus (*pseudomembranous colitis*) yang boleh berlaku selepas rawatan dengan antibiotik.
- anda mengalami masalah dengan buah pinggang atau hati anda.
- anda mengalami kecederaan buah pinggang akut

Jika anda mengalami tindak balas kulit yang teruk atau alahan kepada Dalacin C, berhenti mengambil ubat dan hubungi doktor anda dengan segera.

- Jika mengambil ubat-ubat lain

Beritahu doktor anda jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasar raya atau kedai makanan kesihatan.

Sesetengah ubat boleh mempengaruhi cara Dalacin C berfungsi, atau Dalacin

C boleh mengurangkan keberkesanan ubat lain yang diambil pada masa yang sama. Ini termasuk:

- pengendur otot yang digunakan semasa pembedahan
- rifampicin, ubat yang digunakan untuk merawat jangkitan bakteria

Cara menggunakan Dalacin C

- Berapa banyak harus digunakan

Ikut arahan doktor atau ahli farmasi anda dengan teliti. Ia mungkin berbeza daripada maklumat di dalam risalah ini. Jika anda tidak memahami arahan pada label ubat anda, sila rujuk kepada doktor atau ahli farmasi.

Untuk mengelakkan kemungkinan iritasi perut dan tekak, Dalacin C harus diambil dengan segelas penuh air dan sekurang-kurangnya 30 minit sebelum berbaring.

Orang dewasa dan warga tua

Dos harian Dalacin C yang disyorkan adalah antara 600 dan 1800 mg dibahagikan kepada 2, 3 atau 4 dos yang sama bergantung pada tahap serius jangkitan anda seperti yang ditentukan oleh doktor anda.

Kanak-kanak (yang boleh menelan kapsul)

Kapsul Dalacin C tidak sesuai untuk kanak-kanak yang belum boleh menelan ubat sepenuhnya.

Kanak-kanak (berumur 2 tahun ke atas)

Dos yang disyorkan untuk kanak-kanak adalah antara 8 hingga 25 mg bagi setiap kg berat badan sehari dalam 3 atau 4 dos yang sama bergantung pada tahap serius jangkitan. Doktor anda akan menentukan bilangan kapsul yang diperlukan oleh anak anda.

- Bila perlu digunakan

Ikut arahan doktor atau ahli farmasi anda.

- Berapa lama perlu digunakan

DALACIN[®] C CAPSULE

Clindamycin hydrochloride (150 mg)

Teruskan penggunaan Dalacin C sepanjang tempoh masa yang doktor anda syorkan.

- Jika terlupa menggunakan

Rujuk kepada doktor atau ahli farmasi anda tentang apa yang perlu dilakukan jika anda terlupa menggunakan ubat ini.

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, tunggu untuk mengambil dos seterusnya dan abaikan dos yang terlepas. Jangan ambil dos berganda untuk menggantikan dos yang terlepas.

- Jika mengguna berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika anda fikir anda atau orang lain mungkin terambil ubat ini secara berlebihan. Ini perlu dilakukan walaupun tiada sebarang tanda ketidakselesaan atau keracunan. Anda mungkin memerlukan perhatian perubatan segera.

Semasa menggunakan Dalacin C

- Perkara yang perlu dilakukan

Maklumkan kepada semua doktor, doktor gigi dan ahli farmasi yang merawat anda bahawa anda sedang menggunakan Dalacin C.

Beritahu doktor anda dengan segera jika anda hamil semasa menggunakan ubat ini.

Untuk mengelakkan risiko iritasi perut dan tekak, pastikan anda mematuhi cara pemberian ubat ini (lihat *Cara menggunakan Dalacin C*).

- Perkara yang tidak boleh dilakukan

Jangan berhenti menggunakan ubat ini kecuali diarahkan oleh doktor anda.

Jangan mula mengambil sebarang ubat baharu tanpa berbincang dengan doktor

atau ahli farmasi anda.

Jangan berkongsi Dalacin C dengan orang lain, walaupun mereka mempunyai simptom-simptom atau keadaan yang sama.

- Perkara yang perlu diberi perhatian

Memandu dan menggunakan jentera

Kesan Dalacin C pada keupayaan untuk memandu atau mengendalikan jentera belum dinilai.

Kesan-kesan sampingan

Seperti ubat-ubatan lain, Dalacin C boleh menyebabkan kesan-kesan sampingan, walaupun bukan semua orang mengalaminya.

Lawati doktor atau ahli farmasi anda dengan segera jika anda mengalami sebarang kesan-kesan sampingan berikut selepas mengambil ubat ini.

Kesan-kesan sampingan lazim (menjejaskan $\geq 1/100$ hingga $<1/10$ orang):

- keradangan usus besar (*pseudomembranous colitis*)
- peningkatan bilangan eosinofil dalam darah
- keradangan vena disebabkan darah beku
- cirit-birit
- ruam- yang bercirikan kawasan kemerahan yang rata pada kulit yang dilitupi oleh benjolan kecil
- ujian fungsi hati yang tidak normal

Jika anda mengalami cirit-birit yang berpanjangan atau yang teruk (berair atau berdarah) dengan atau tanpa sakit abdomen, loya, demam atau muntah, anda mungkin mengalami *colitis Clostridioides difficile* (keradangan usus). Jika ini berlaku, berhenti mengambil Dalacin C dan hubungi doktor anda dengan segera.

Jika anda mengalami tanda-tanda tindak balas alahan yang teruk atau tindak balas kulit yang teruk seperti kulit melepuh atau mengelupas, rawatan dengan Dalacin C harus dihentikan dan terapi

yang sesuai perlu dimulakan. Ia mungkin disebabkan oleh penyakit yang mengancam nyawa seperti *drug reaction with eosinophilia and systemic symptoms (DRESS)*, *Stevens-Johnson syndrome (SJS)*, *toxic epidermal necrolysis (TEN)*, dan *acute generalized exanthematous pustulosis (AGEP)*.

Jika pengeluaran air kencing anda berkurangan, atau berlaku pengumpulan cecair badan yang menyebabkan bengkak pada betis, pergelangan kaki atau kaki anda, atau anda mengalami sesak nafas, atau loya, anda mesti menghubungi doktor anda dengan segera.

Anda mungkin mengalami keradangan/ulser pada saluran tekak hingga ke perut jika anda mengambil ubat ini dalam posisi berbaring dan/atau dengan jumlah air yang sedikit.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [*Consumers → Reporting Side Effects to Medicines (ConSERF)* or *Vaccines (AEFI)*].

Cara penyimpanan dan pelupusan Dalacin C

- Penyimpanan

Jauhkan daripada jangkauan dan penglihatan kanak-kanak.

Simpan pada suhu bawah 30°C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Kapsul clindamycin HCl 150 mg ialah kapsul putih dengan tanda "Clin 150" dan "Pfizer" pada kapsul.

DALACIN[®] C CAPSULE

Clindamycin hydrochloride (150 mg)

- Bahan-bahan kandungan

- Bahan aktif
Clindamycin hydrochloride
- Bahan tidak aktif
Lactose monohydrate, maize starch,
talc, vegetable magnesium stearate.

- Nombor MAL:

Nama Produk	Nombor Pendaftaran
Kapsul Dalacin C 150 mg	MAL19871766ACZ

Pengilang

Fareva Amboise
Pocé-sur-Cisse, Perancis

Pemegang Pendaftaran Produk

Pfizer (Malaysia) Sdn. Bhd.
Level 10 & 11
Wisma Averis, Tower 2
Avenue 5, Bangsar South
No. 8, Jalan Kerinchi
59200 Kuala Lumpur, Malaysia

Tarikh kemaskini RiMUP

16/01/2025

Nombor siri

NPRA (R1/3) 04012024/007

PLD-DALACIN C 150-0125